

ԴԻՎԻՍԱ ԷՅ ԷՄ ՓԲԸ

2016Թ. ՏԱՐԵԿԱՆ ՖԻՆԱՆՍԱԿԱՆ ՎԵՐԼՈՒԾՈՒԹՅՈՒՆ

ՆԵՐԴՐՈՒՄԱՅԻՆ ԸՆԿԵՐՈՒԹՅԱՆ ՆԿԱՐԱԳԻՐԸ

ՀՀ ԿԲ-ի կողմից 06.07.2015թ. ընդունված որոշման համաձայն ՀՀ կենտրոնական բանկը նախնական համաձայնություն է տվել Ֆինանսական տեխնոլոգիաների լաբորատորիա ՓԲ ընկերության կանոնադրական կապիտալում Դիվիսա ՅուԲեյ Լիմիթեդ ընկերության կողմից ուղղակի նշանակալից (100%) մասնակցություն ձեռք բերելուն:

Ֆինանսական տեխնոլոգիաների լաբորատորիա ՓԲԸ ձեռքբերումը հանդիսացավ Դիվիսա ՅուԲեյ Լիմիթեդ ընկերության մասնավոր հետաքրքրությունը ԱՊՀ, Միջին Արևելյան և Ասիական տարածաշրջաններում իրենց գլոբալ բիզնես հասանելիության և ընդլայնման համար: Այն Դիվիսա ՅուԲեյ Լիմիթեդ ընկերությանը հնարավորություն տվեց ունենալ ռազմավարական տարածք՝ ապագայում գլոբալ հաճախորդներին լավագույն աջակցություն ցուցաբերելու համար: Եվ վերջապես, Դիվիսա Էյ Էմ ընկերությունը պոտենցիալ հաճախորդներին հուսալիություն ներշնչում, քանի որ ընկերությունը կարգավորվում է ՀՀ ԿԲ-ի կողմից, որն էլ իր հերթին հանդիսանում է ֆինանսական ծառայությունների ոլորտի կառավարման ռեգիոնալ առաջատարը:

Դիվիսա ՅուԲեյ Լիմիթեդ ընկերությունը ստեղծվել է 2010թ.-ի ապրիլի 7-ին որպես Անգլիայի և Ուելսի Մասնավոր Սահմանափակ Ընկերություն, որը լիազորված է և կարգավորվում է Ֆինանսական Կառավարման Մարմնի կողմից: Ընկերության պետական գրանցման համարն է՝ 07216039:

Դիվիսա ՅուԲեյ Լիմիթեդ ընկերության տնօրեն և բաժնետեր Մուշեղ Թովմասյանն ունի ֆինանսական ծառայությունների ոլորտում ղեկավար պաշտոններում աշխատելու ավելի քան 10 տարվա աշխատանքային փորձ. աշխատել է առցանց գործարքների իրականացման ոլորտում հայտնի մի շարք ընկերություններում: Բանկային և բրոքերային ոլորտներում Մուշեղը Թովմասյանը մեծ ներդրումն ունի ոչ միայն գլոբալ իրավական հարցերում, ինչպիսիք են լիցենզավորումը, ընդլայնումը, այլ նաև օգնել է հիմնադրել թրեյդինգ-տեխնոլոգիաներ, բանկային և իրավական ենթակառուցվածքներ:

Դիվիսա ՅուԲեյ Լիմիթեդ ընկերությունը տրամադրում է իրացվելիություն ինչպես պրոֆեսիոնալ, այնպես էլ ինստիտուցիոնալ հաճախորդներին:

Դիվիսա ՅուԲեյ Լիմիթեդ ընկերությունը համագործակցելով PrimeXM (“PXM”)-ի հետ առաջիններից էր, որ առաջարկել է կամուրջի օգնությամբ կապել MT4 հարթակը PXM-ի կողմից մշակված Xcore հետ: Նշված առաջատար լուծումը շուկայում առկա առավել բարդ ինտեգրացման մեթոդն է, որը վերացնում է հապաղումները (latency) և էապես բարձրացնում արդյունավետությունը:

Դիվիսա ընկերությունը նպատակ ունի ընդլայնել իր ներկայիս հիմնական ծառայությունները ԱՊՀ, Միջին Արևելյան և Ասիական տարածաշրջաններում:

Դիվիսա ընկերության ներկայիս թիմը աչքի է ընկնում աշխատանքային մեծ փորձով բրոքերային ծառայությունների ոլորտում՝ իրականացնելով հետևյալ լիցենզավորված գործառնությունները.

- հաճախորդներից արժեթղթերով գործարքների կատարման հանձնարարականների ընդունումը և հաղորդումը,
- իր կամ հաճախորդի անունից և հաճախորդի հաշվին արժեթղթերով գործարքների կատարումը:

Դիվիսա էլ Էմ ընկերությունը մասնագիտացված է ֆորեքսի, ածանցյալ գործիքների և բաժնետոմսերի առցանց թրեյդինգում՝ համապատասխան ծառայություններ առաջարկելով պրոֆեսիոնալ և ինստիտուցիոնալ հաճախորդներին: Ընկերությունը օգտագործում է ճանաչված և վստահելի թրեյդինգ հարթակներ, իսկ գործառնական ընթացակարգերը համապատասխանեցված են ՀՀ ԿԲ նորմատիվ պահանջներին:

Ընկերությունը նաև ցանկանում է ընդլայնել հաճախորդների շրջանակը տրամադրելով իր ծառայությունները նաև ոչ ռեզիդենտ ոչ պրոֆեսիոնալ հաճախորդներին:

2017թ. Դիվիսա ընկերությունների շահառուները էլ ավելի ընդլայնելով իրենց բիզնեսը պատրաստվում են ավելացնել խմբի կապիտալը ներգրավելով նոր մասնակիցներ: Ըստ նախնական պայմանավորվածության Դիվիսա ընկերությունների խմբի բաժնետերերը բացի Մուշեղ Թովմասյանից կավելանա ևս

երկուսով: Բացի այդ կփոխվի նաև Դիվիսա Էյ Էմ ընկերության բաժնետերը. Դիվիսա Յու Քեյ ընկերության փոխարեն որպես Դիվիսա Էյ Էմ ընկերության 100% բաժնետեր հանդես կգա Ջերսի-ում գրանցված GCCPB ընկերությունը: Նշված փոփոխությունները իրականացնելու նպատակով Դիվիսա Էյ Էմ ընկերությունը պատրաստվում է դիմել ՀՀ կենտրոնական բանկ՝ նախնական թույլտվություն ստանալու համար:

Ընկերության գրասենյակը գործում է հետևյալ հասցեում՝ ք. Երևան, Բաղրամյան փողոց, 5-րդ շենք, շին. 11:

ՆԱԽՈՐԴ ՊԼԱՆԱՅԻՆ ԺԱՄԱՆԱԿԱՇՐՋԱՆԻ ԽՆԴԻՐՆԵՐԻ ԿԱՏԱՐՈՂԱԿԱՆԻ ՎԵՐԼՈՒԾՈՒԹՅՈՒՆ

- 2016թ. տարվա վերջի դրությամբ ընկերության ընդհանուր կապիտալը կազմել է 165 790 հազ. դրամ:
- 2016թ.-ի ֆինանսական արդյունքներից ելնելով Ընկերության չբաշխված շահույթը կազմել է 114 988 հազ. դրամ:
- 2016թ. վերջի դրությամբ Ընկերության բրոքերային ծառայության հաճախորդների թիվը կազմել է 31, որից 21 իրավաբանական անձ և 10 ֆիզիկական անձ: Բացի այդ Ընկերությունը սպասարկում է նաև 5 միջնորդ (IB) հաճախորդ, որից 2 իրավաբանական և 3 ֆիզիկական անձ:
- Ընդհանուր առմամբ 2016թ. ընթացքում Ընկերության հաճախորդների կողմից ԱՄՆ դոլարով մուքթագրվել է 14 093 209 գումար, իսկ ելքագրվել՝ 4 488 772: Եվրոյով համապատասխանաբար՝ 310 133 և 59 945, իսկ ֆունտ ստերլինգով և ավստրալական դոլարով միայն մուքթագրվել են համապատասխանաբար 278 940 և 257 483 գումարներ: Հաշվի առնելով ՀՀ կենտրոնական բանկի միջին տարեկան փոխարժեքը մուքթագրվել է 7.2 մլրդ. դրամ և ելքագրվել 2.2 մլրդ. դրամին համարժեք արտարժույթ:
- 2016թ. տարվա ընթացքում հաճախորդների կողմից իրականացված գործարքների միջին ամսական ծավալը կազմել է մոտ 731 մլրդ. դրամ:

ՆԵՐԴՐՈՒՄԱՅԻՆ ԸՆԿԵՐՈՒԹՅԱՆ ԿԱՊԻՏԱԼԻԶԱՑՈՒՄԸ

2016թ. տարվա վերջի դրությամբ Ընկերության կանոնադրական կապիտալը կազմել է 48.45 մլն. դրամ, իսկ ընկերության ընդհանուր կապիտալը կազմել է 165 790 հազ. դրամ: 2017թ. ընթացքում Ընկերության բաժնետերերի կողմից պատրաստվում է կանոնադրական կապիտալի ավելացում մոտ 500 մլն. դրամով:

ՆԵՐԴՐՈՒՄԱՅԻՆ ՀԻՄՆԱԿԱՆ ԵՎ ՈՉ ՀԻՄՆԱԿԱՆ ԾԱՌԱՅՈՒԹՅՈՒՆՆԵՐԸ

Բրոքերային ծառայություն

2016թ. հունվարին Ընկերությունը սպասարկում էր միայն մեկ հաճախորդ, իսկ դեկտեմբերին հաճախորդների թիվը ավելացել էր 35-ով: Բրոքերային ծառայություններից ստացված եկամուտը 2016թ. վերջի դրությամբ կազմել է 156 924 000 դրամ:

Ոչ հիմնական ծառայություններ

Ընկերությունը հաճախորդներին մատուցում է տարբեր խորհրդատվական ծառայություններ, ինչպիսիք են՝

- Խորհրդատվություն արժեթղթերի շուկայում կապիտալի ներդրման վերաբերյալ,
- Խորհրդատվություն բաժնետերերի ընդհանուր ժողովներ անցկացնելու վերաբերյալ,
- Խորհրդատվություն բաժնետիրական ընկերության մասին տվյալներ հրապարակելու վերաբերյալ,
- Խորհրդատվություն բաժնետիրական ընկերությունների արժեթղթերը գրանցելու վերաբերյալ,
- Խորհրդատվություն բաժնետիրական կապիտալի կառավարման վերաբերյալ
- Խորհրդատվություն գնագոյացման վերաբերյալ,
- Խորհրդատվություն կանոնադրական կապիտալը փոխելու վերաբերյալ,

- Խորհրդատվություն կորպորատիվ կառավարման վերաբերյալ,
- Խորհրդատվություն համատեղ ձեռնարկություններ բացելու վերաբերյալ,
- Խորհրդատվություն ձեռնարկությունների կողմից բաժնետոմսերի թողարկման, տեղաբաշխման և օտարման վերաբերյալ,
- Խորհրդատվություն ներդրումային նախագծեր պատրաստելու և իրականացնելու վերաբերյալ,
- Խորհրդատվություն ֆինանսական շուկայում կապիտալի ներդրման վերաբերյալ,
- Խորհրդատվություն ֆինանսավորման աղբյուրների որոնման և ներդրումներ ներգրավելու վերաբերյալ:

Ընկերությունը մատուցում է հետևյալ միջնորդական ծառայությունները.

- Միջնորդություն արտասահմանյան ներդրումներ ներգրավելու գործում.
- Միջնորդություն հասարակական կազմակերպությունների համար ֆինանսական միջոցներ ներգրավելու գործում (ֆանդրայզինգ).
- Միջնորդություն ներդրումային ծրագրերի պատրաստման և իրականացման գործում:

2016թ. ընթացքում խորհրդատվական ծառայությունների մատուցումից Ընկերությունը ստացել է 28 944 000 դրամ եկամուտ:

ՇԱՀՈՒԹԱԲԵՐՈՒԹՅՈՒՆԸ, ԵԿԱՄՈՒՏՆԵՐԸ ԵՎ ԾԱԽՍԵՐԸ

2016թ. հիմնական եկամուտները Ընկերությունը ձևավորել է մատուցված բրոքերային ծառայության միջնորդավճարներից և տրամադրված խորհրդատվություններից: Այդ հոդվածներով ստացված եկամուտը կազմել է համապատասխանաբար 156 924 000 դրամ և 28 944 000 դրամ: Հարկ է նշել, որ Ընկերությունը նաև ստացել է տոկոսային եկամուտ, որն կազմել է 6 303 000 դրամ:

Ընկերության ծախսային մեծ հոդվածներից են աշխատավարձային, վարձակալության և ամորտիզացիոն հոդվածները, որոնք 2016թ. վերջի դրությամբ

կազմել են համապատասխանաբար 70 007 000 դրամ, 2 597 000 դրամ և 3 338 000 դրամ:

Տնօրեն՝

Արտակ Նահապետյան

Գլխավոր հաշվապահ՝

Գայանե Ղուկասյան